



Kuvendi i Komunës Klinë  
Komiteti për Politikë dhe Financa  
01Nr 06-32587 /23  
Klinë, dt: 14.09 /23

### PROCESVERBAL

Nga mbledhja e VII e rregullt e Komitetit për Politikë dhe Financa, mbajtur, më 14.07.2023, me fillim nga ora 09:00 në sallën e Kuvendit të Komunës.

Mbledhjen e hap kryesuesi, z. Fadil Gashi, i cili përshëndeti të gjithë anëtarët e Komitetit, OSBE-në, drejtorë të drejtorive dhe të pranishmit.

Kryesuesi, prezantoi rendin e ditës:

1. Arsyetimi i mungesave,
2. Shqyrtimi dhe miratimi i procesverbalit të mbledhjes së kaluar,
3. Shqyrtimi i raportit të menaxhimit financiar për periudhën janar-qershor 2023,
4. Shqyrtimi i raportit të auditimit të jashtëm për vitin 2022,
5. Shqyrtimi i planit të veprimit për zbatimin e rekomandimit të auditorëve të jashtëm,
6. Shqyrtimi i procesverbalit nga takimi i parë me qytetarë i mbajtur nga kryetari i komunës, më datë 26.06.2023,
7. Shqyrtimi i kërkesave të arritura për Komitetin për Politikë dhe Financa, për muajin qershor-korrik 2023,
8. Të ndryshme.

Fadil Gashi, kryesues: Më lejoni të hap mbledhjen e rregullt të radhës së Komitetit për Politikë dhe Financa. Ne, rendin e ditës e kemi pranuar, e kemi një kërkesë të rendit të ditës, por fillimisht, Azdreni nuk është prezent me neve, ndërsa pjesa tjetër jemi prej gjashtë anëtarëve të KPF-së, ne mund të vazhdojmë me mbledhjen.

E kemi kërkesën prej Drejtorisë për Ekonomi, Zhvillim dhe Financa, që të hyjë në rend të ditës: **Shqyrtimi i kërkesës së Drejtorisë për Financa, Ekonomi dhe Zhvillim, për bartjen dhe shpërndarjen e mjeteve nga të hyrat vetanake.**

Unë po hap debat për rend të ditës, nëse ka dikush? Po, urdhëro , Valmira?

**Valmira Krasniqi:** Desha ta bëjë një pyetje për një kërkesë që e ka adresuar një qytetare e Klinës, për arsye shëndetësore, nga Ariana Banushaj. Ajo e ka dorëzuar më 23 qershor për ndihmë financiare, a mund ta di arsyen, pse nuk është në material?

**Enver Berisha, drejtor i FEZH:** A është për ndihmë mjekësore? Ato shkojnë direkt te zyra e kryetarit edhe paguhen me subvencione, s'kanë nevojë të vijë këtu.

**Fadil Gashi, kryesues:** Duhet të shikojmë, ndoshta zyra pritëse ende nuk e ka proceduar, te ne s'ka ardhur, krejt çka vijë dokumente këtu i pranoni edhe ju, si unë si ju. Por, tash ose është orientuar gabimisht, ka shkuar diku .

A ka dikush tjetër? A po pajtoheni për rend të ditës, me këtë shtesën që e propozova, kush është për?

**Me 6 vota PËR, asnjë kundër dhe asnjë abstenim u miratua rendi i ditës.**

**Pika 1. Arsyetimi i mungesave.**

**Fadil Gashi, kryesues:** Ne veç e arsyetiam, Azdrenin.

**Pika 2 . Shqyrtimi dhe miratimi i procesverbalit të mbledhjes së kaluar.**

**Fadil Gashi, kryesues:** A ka dikush për procesverbal? Kush është për?

**Me 6 vota PËR, asnjë kundër, u miratua procesverbali i seancës së kaluar.**

**Pika 3. Shqyrtimi i raportit të menaxhimit financiar për periudhën janar-qershor 2023.**

**Fadil Gashi, kryesues:** Është raport i rregullt që e bëjmë për çdo tremujor, fillimisht ndoshta drejtori na bën një prezantim, pastaj kishim hapur debat.

**Enver Berisha, drejtor i FEZH:** Faleminderit, kryesues!

Buxheti sipas SIMFK për vitin 2023, duke përfshirë edhe të hyrat nga grantet e brendshme dhe të jashtme, është 14,508,039.98 €, buxheti për këtë periudhë është më i lartë për 15.52% se



buxheti i vitit 2022. Granti Qeveritar është burimi kryesor i financimit të buxhetit komunal, ku pjesëmarrja është 80.49% në vitin 2023 (shuma 11,677,821.00 €). Në raport me vitin paraprak buxheti nga GQ është 13.74% më i lartë.

Buxheti nga të hyrat vetanake të komunës për vitin 2023 është shuma prej 1,373,774.00 € (9.47% e shumës së përgjithshme vjetore), krahasuar me vitin paraprak, kanë shënuar rritje prej 28.89%. Grumbullimi i të hyrave buxhetore gjatë këtij gjashtëmujori kanë arritur shumën prej 815,238.34 €. Krahasuar me periudhën e njëjtë të vitit paraprak, të hyrat tatimore dhe jo tatimore kanë shënuar një rritje prej 10.62% që korrespondon me 78,248.53 € më shumë krahasuar me gjashtëmujorin e vitit paraprak. Buxheti nga THV të bartura të vitit 2022, gjatë periudhës janar-qershor 2023 është shuma prej 976,793.04 €.

Granti i donatorëve të brendshëm - Participimi i qytetarëve në shumën prej 31,332.12 €, në raport me vitin paraprak, buxheti nga ky grant është 18.49% (shuma 26,443.62€) më i lartë se në vitin paraprak. Grante tjera të jashtme - Donacioni i jashtëm në shumën prej 18,341.33 €, mjete këto të grumbulluara për ndihmë ndaj të prekurve nga vërshimet. Granti i performancës në total është shuma prej 776,403.11 €, në periudhën janar-qershor 2023 i kemi të alokuara vetëm mjetet nga DEMOS, në shumën prej 426,739.48 €, ndërsa mjetet tjera në shumën prej 349,663.63 € janë zotuar nga MAPL. Shpenzimet për paga dhe mëditje gjatë këtij gjashtëmujori, shënuan shpenzimin prej 3,624,911.34 €. Ndikim në këtë rritje të shpenzimit ka pasur hyrja në fuqi e Ligjit të ri të pagave.

**Fadil Gashi, kryesues:** Faleminderit, drejtor? A ka dikush? Po, urdhëro, Tunë Deda?

**Tunë Deda:** Përshëndetje për ju, kryesues, për drejtorin dhe për gjithë të pranishmit!

Kur është në pyetje te plani financiar, unë desha ta shpreh një shqetësim që ndoshta nuk i takon kësaj pike të rendit të ditës; ka qenë një kafshim i gjarprit këtu në komunën tonë, edhe merre me mend, shtëpia e shëndetit nuk ka serum kundër kafshimit të gjarprit në këtë kohë, edhe e thash që në seancë është mirë me bërë një kërkesë ata edhe ne si asamble, me ndarë një shumë të mjeteve për sigurimin e serumit. Ajo çka është shqetësuese, dëgjova se në krejt Kosovën nuk ka, vetëm FSK-ja. Është jashtë kësaj liste, por, e kërkoj edhe ndihmën tënde kryesues, edhe të kryetarit edhe të angazhohemi për ta bërë sigurimin e serumit. Kjo për mua është shqetësuese, në këtë kohë, mos me pasur shtëpia e shëndetit, serum!

**Fadil Gashi, kryesues:** Po, urdhëro, drejtor?

**Enver Berisha, drejtor i FEZH:** Këtu dy gjëra janë që ne duhet t'i kemi para vetes: e para, nëse serumit është në listën e barnave që sigurohet nga ministria, dmth komuna nuk ka çka të bëjë, mund ta kërkojë por në njëfarë forme nuk mund të...e ende më keq nëse është në nivel Kosove, dhe e dyta, jam shumë i sigurt që nëse është në përgjegjësinë e Drejtorisë së Shëndetësisë në Klinë, nuk ka mbetur për para kjo, se Drejtoria e Shëndetësisë ka fond të mjaftueshëm për barëra.

**Tunë Dedaj:** Unë nuk po kërkoj përgjegjësi, as prej Drejtorisë së Shëndetësisë, unë jam duke kërkuar zgjidhje! Nuk është me rëndësi a e ka për obligim qeveria apo nuk e ka, se ne kemi ndarë shpesh mjete për raste të ndryshme. Drejtoria e Shëndetësisë e dinë si ta bëjnë kërkesën, për ta siguruar ne si komunë do të thotë, serumit të gjendet në Shtëpinë e Shëndetit, kjo nuk është e



falshme, nuk ka as nëpër operatorë privat!

**Fadil Gashi, kryesues:** Kjo le që s'falet, po s'ka asnjë arsye këtu! Është mirë që, nëse ju e shihni, ne e ngrehim edhe në seancë, por kjo nuk mjafton, por me siguruar serumin, nuk është që e ka koston që s'mund ta përballojë as komuna, se kushtojnë lirë. A ka dikush tjetër? Po, Tunë?

**Tunë Dedaj:** Faleminderit shumë, drejtor, për informacionet. Po më duket që është pak shpenzim brenda 6 muajve 31% edhe mos ta lejojmë në fund, le të hapen tenderët me kohë, le të zgjidhet përfituesi me kohë, ka mundësi të ju shtyhet nëse nuk e kryen punën me rregull, m'i dhanë vërejtje, me ja ndërprerë punën. Ne në fund po e lëmë, e në fund nuk është mirë me e lënë.

**Fadil Gashi, kryesues:** Faleminderit, dikush tjetër? Nëse s'ka, a kalojmë në pikën e radhës?

**Komiteti për Politikë dhe Financa, pas shqyrtimit të raportit të menaxhimit financiar për periudhën janar-qershor 2023, me 6 vota PËR, pa ndonjë vërejtje apo sugjerim, rekomandoi që i njëjti të kalojë për shqyrtim dhe në Kuvend.**

#### **Pika 4. Shqyrtimi i raportit të auditimit të jashtëm për vitin 2022.**

**Fadil Gashi, kryesues:** Unë po besoj që ju edhe ne e kemi pranuar raportin e auditimit, tash na ka ardhur edhe plani i implementimit të rekomandimeve që kanë dal prej këtij raportit. Nuk është shumë shpresëdhënëse, sepse si duket për sivjet na ka humbur marrja e grantit të performancës sepse është i kualifikuar, por, sido që të jetë, ju i keni këtu. Siç e tha Tuna, mirë është me kohë se edhe këtu po dalin pastaj zyra e prokurimit me qenë pak më efikase, se shumica prej tyre po ka vonesa edhe në implementim, pastaj po t'i shkakton vonesat edhe në pagesa. A ka dikush për raport?

**Komiteti për Politikë dhe Financa, pa ndonjë vërejtje apo sugjerim, rekomandoi që raporti i auditimit të jashtëm për vitin 2022 të kalojë për shqyrtim në kuvend.**

#### **Pika 5. Shqyrtimi i planit të veprimit për zbatimin e rekomandimit të auditorëve të jashtëm.**

**Fadil Gashi, kryesues:** Edhe ky është një dokument që e obligon komunën me ju kthyer plani i implementimit po të këtyre rekomandimeve që dalin nga raporti, edhe këto barten në seancë të njëjtat, kështu që, a ka dikush te plani?



**Komiteti për Politikë dhe Financa, pa ndonjë vërejtje apo sugjerim, rekomandoi që plani për zbatimin e rekomandimeve të auditorëve të jashtëm të kalojë për shqyrtim në kuvend.**

**Pika 6. Shqyrtimi i procesverbalit nga takimi i parë me qytetarë i mbajtur nga kryetari i komunës, më datë 26.06.2023.**

Sa i përket kësaj pike të rendit të ditës, kryesuesi, z. Fadil Gashi, theksoi se bazuar në Ligjin për Vetëqeverisje Lokale, kryetari ka obligim mbajtjen e takimit me qytetarë dy herë në vit, ku para qytetarëve shpaloset puna e përfunduar dhe planet e investimit nga komuna dhe po ashtu, kemi obligim ligjor që procesverbalit nga takimi me qytetarë i mbajtur nga kryetari i komunës të shqyrtohet në KPF dhe pastaj në kuvend.

**Komiteti për Politikë dhe Financa, pas shqyrtimit të procesverbalit nga takimi me qytetarë i mbajtur nga kryetari i komunës, pa debat, rekomandoi që i njëjti të kalojë për shqyrtim në kuvend.**

**Pika 7. Shqyrtimi i kërkesave të arritura për Komitetin për Politikë dhe Financa, për muajin qershor-korrik 2023.**

#### **Kërkesa 1**

Kërkesë e parashtruar z. nga Refki Gashi nga Klina, për rregullimin e problematikës së truallit të kompleksi “Benita” dhe rregullimin e çështjes së kompensimit të dëmit ndaj qytetarit, i cili thekson: Kam bërë kërkesat në vijën e rregullt administrative për matjen e truallit në sipërfaqe prej 5 ari, prej të cilave 3 ari e 40 metra janë të përshkruara në ngastrën kadastrale numër P-71006024-00525-15, e cila evidentohet në Certifikatën pronësore, numër 768, ZK Klinë, si pronë shoqërore e Kuvendit Komunal në Klinë, ndërsa pjesa tjetër prej 0.01.60 ha, po ashtu, evidentohet në të njëjtën Certifikatë pronësore.

Trualli i përmendur ishte i lirë dhe qytetari i kishte bashkangjitur dokumentacionin e nevojshëm për ndërtimin e një objektit individual dhe personal afarist - banesor, duke i paguar taksat e nevojshme dhe pagesat e nevojshme për shfrytëzim të përhershëm për 500 m<sup>2</sup> (5 ari).

Sipas planit urbanistik të Komunës së Klinës, trualli i përmendur ishte tokë ndërtimore urbane. Dokumentacionin e gjeodezisë në pajtim me rregullativen komunale e ka punuar i ndjeri Selim Berisha, drejtor i gjeodezisë dhe gjeodeti Nysret Gashi, punëtor i kësaj gjeodezie, ndërsa pjesën e rregullatives urbanistike e kanë punuar punëtorët e atëhershëm të urbanizmit, Elez Lecaj dhe punëtori tjetër Nedelku.

Papritmas në hapësirat e këtij trualli ndërhyu Krasiq Milivoj, punëtor i pylltarisë, duke e pamundësuar vazhdimin e punës së qytetarit - paraqitësit të kësaj kërkesë. Refki Gashi, rezervon të drejtën për marrjen e truallit të përmendur me krijimin e kushteve dhe rrethanave të volitshme në të ardhmen.



Paraqitësi i kësaj kërkesë ka paraqitur kërkesë me shkrim më 19.06.2006 për rregullimin e kësaj problematike të Organet Administrative Udhëheqëse të Komunës së Klinës. Edhe pse kanë qenë në dijeni edhe atëherë edhe tash, organet kompetente komunale e kanë injoruar kërkesën e qytetarit duke marrë masa dhe veprime në kundërshtim me interesin e qytetarit, duke i bërë atij dëm të madh.

Vlen të përmendet fakti se paraqitësi i kërkesës, qytetari - Refki Gashi, shtetas i Republikës së Kosovës, ka qenë zyrtar administrativ, zyrtari lartë i zgjedhur i Klinës dhe Kosovës. Prandaj këtu bëhet fjalë për një udhëheqës komunal të Komunës së Klinës dhe Kosovës, i cili ka punuar sa ka pasur Kosova Kushtetutë dhe puna e tij nga qytetarët dhe organet që ai i ka përfaqësuar është vlerësuar si histori e lartë suksesi.

Kuvendi Komunal i Klinës, kështu shkeli të drejtën e qytetarit të tij njëherë, mirëpo vazhdoi me shkeljen për të dytën herë duke ardhur si investitor i drejtpërdrejtë me kompaninë "Benita" dhe firmën "Citadela", duke kryer veprime ndërtimore në rrethinën e truallit të qytetarit, Refki Gashi, dhe të pjesës së tij, duke zhvilluar planin afarist - banesor, qendër e madhe tregtare me shumë blloqe, në koncesionin komunal 30 me 70, por qytetarin me lëndë shfrytëzim të përhershëm e lënë jashtë projektit, porse hapësirat e tij i shfrytëzon edhe sot e kësaj dite, duke i bërë qytetarit dëm të madh, edhe sot e kësaj dite pa i dhënë kurrfarë kompensimi.

Qytetari Refki Gashi, mendon se organet kompetente komunale shkallë - shkallë duhet të ndërmarrin masa dhe veprime urgjente, me qëllim të përmirësimit të padrejtësisë. Integriteti moral i qytetarit është i shenjtë, marrëdhënia e punës së qytetarit është e shenjtë, prona e qytetarit është e shenjtë dhe besoj se organet komunale do të reflektojnë pozitivisht me qëllim të rregullimit të kësaj problematike në marrëveshje me qytetarin.

Prona e dhënë në shfrytëzim në afat prej 99 vjetësh, ose afatgjatë, e largon qytetarin me lëndë në shfrytëzim të përhershëm duke shkelur detyrat punuese të gjeodezisë dhe urbanizmit se me rastin e rregullimit të zëmres së qytetit duhet të hartojë raport dhe të fillojë punën me qytetarin në fjalë. Këtu shkelet statuti i Komunës së Klinës, pika e 15-të, e cila i jep të drejtën qytetarit pjesëmarrjen e tij në vetëqeverisjen lokale me qëllim të marrjes së vendimeve për të qenë efektive në praktikë. Po ashtu, shkelet pika 38 e këtij statuti e cila tregon dritën e qytetarit në qasjen e dokumenteve zyrtare ku qytetari kishte lëndën e tij. Me informimin me lëndën e qytetarit, kuvendi do të kishte mundësi të gjente zgjidhje të drejtë dhe meritore. Vazhdon të shkelet Ligji për Vetëqeverisje Lokale, pika 55 e statutit të Klinës, ku Kuvendi i Komunës dhe akterët e tjerë me këto ngjarje, marrin vendime duke krijuar pasuri dobiprurëse për veten e tyre dhe partnerët e tjerë e në dëm të qytetarit - paraqitësit të kësaj kërkesë, me ç'rast shkaktohet konflikti i rëndë i interesit në dëm të qytetarit, Refki H. Gashi. Për qytetarin i cili paraqiti fakte dhe argumente respektivisht raport në këtë çështje, lënda përfundon kur drejtësia të vendoset në vend.

**Fadil Gashi, kryesues:** Në emër të KPF-së edhe në emër të kuvendit, ne duhet të ja kthejmë palës një përgjigje zyrtare dhe përgjigja zyrtare duhet me qenë aq e matur sepse çdo përgjigje e jona prodhon efekte juridike edhe është mirë të kërkojmë ndihmën edhe të Drejtorisë për Gjeodezi e Kadastër, me ardhur, me na plotësuar edhe njëfarë lloj elaborati çka ka të bëjë. Ka biseduar edhe kryetari me të, ka biseduar edhe me mua, ky ka lëndë edhe në gjykatë për të njëjtën çështje. Për atë po them, ne duhet me qenë të saktë, ne kur ta bëjmë përgjigjen me qenë të saktë edhe juridikisht po edhe duke ju referuar fakteve, argumenteve, edhe juridike po edhe faktike që janë në terren. Po, urdhëro, Tunë?



**Tunë Deda:** Kryesues, këtë rast, këtë problematik e di, se unë me Refkinë kam punuar para të 90-tës edhe është shumë e vërtetë që atij nga pushteti i atëhershëm, ju ka ndarë toka sikur krejt tjerëve se jua kanë ndarë. Ky e ka pasur edhe vendimin edhe gjitha, por, jam shumë i sigurt që ja kanë humbur, edhe unë e shoh që këtij djali ju ka bërë e padrejtë. Ju garantoj që kurrë s'kam biseduar me të për këtë rast, se kështu ka qenë, sikur banesat që i kanë ndarë atëherë, këtij nuk i kanë ndarë banesë po ja kanë ndarë pllacin. Unë obligohem ta them atë çka e di edhe është mirë me i ndihmuar.

**Enver Berisha, drejtor i FEZH:** Unë për vete po pajtohem me kryesuesin, që kjo lëndë të shkojë në kadastër dhe në zyrën ligjore.

**Fadil Gashi, kryesues:** Për dallim nga ti, ky nuk e përmend askund që ka pasur ndonjë dokument.

**Tunë Deda:** Ky në atë kohë më ka thënë se ka pasur, unë jam duke thënë çka më ka thënë ai dmth, para të 90-tës.

**Fadil Gashi, kryesues:** Tash ne i kemi dy variante: Varianti i parë, ne si Komitet me marr vendim e m'i thirr dy drejtoritë dhe me i marrë informacionet e nevojshme, duke ju bazuar në shkresa, dokumente, edhe me ja formuluar përgjigjen palës pa shkuar në kuvend, se ne veç e maltretojmë kuvendin se s'ka ndonjë material për kuvend. Edhe njëherë, si KPF me kërkuar prej dy drejtorive, me kompletuar përgjigjen për palën edhe me na sjellë neve, edhe te unë si kryesues, dhe unë si kryesues me nënshkuar përgjigjen në emër të KPF-së dhe me ja dërguar palës, se ne s'kemi material ndryshe. Ata i kanë edhe shërbimet për çështje juridike, edhe i kanë gjeodetët, se tash unë edhe ju jemi të hendikepuar çka duhet m'i thënë, na ka referuar si dokument, statutin e komunës; të vetmin dokument këtë na ka sjellë, dmth statutin e komunës. A u pajtuam kështu, kush është për?

**Komiteti për Politikë dhe Financa, pas shqyrtimit të kërkesës së parashtruar nga z. Refki Gashi, duke marrë parasysh faktin se nuk posedon dokumente me të cilat dëshmon se prona ka qenë ndonjëherë e tij dhe lënda po ashtu gjendet në gjykatë, me 5 vota PËR, rekomandoi që kërkesa të dërgohet për shqyrtim në Drejtorinë për Kadastër, Gjeodezi dhe Pronësi dhe Zyrën ligjore.**

#### **Kërkesa 2.**

Kërkesë e parashtruar nga banorët, Binak Gashi, Xhemë Morina, Hamdi Morina, Shani Berisha dhe Faton Berisha, të cilët kërkojnë nga kryesuesi i Kuvendit të Komunës së Klinës që të shikohet mundësia për caktimin e një sheshi në qytetin e Klinës, me emrin e heroit të kombit, Ali Ahmet Berisha.

**Fadil Gashi, kryesues:** Për këtë, si KPF ne s'mund të vendosim. Nëse pajtoheni edhe këtë e kishim drejtuar te Drejtoria e Urbanizmit, kurdo që e shohim ndonjë mundësi, vetëm ta keni



parasysh se ne, sot për sot, s'mund të vendosim as të caktojmë, se s'kemi ndonjë vend, s'kemi shesh, po ndoshta është mirë si KPF edhe kuvendi, me marr vendimin edhe me kërkuar te Drejtoria e Urbanizmit, kurdo që vjen ai. Urdhëro, Tunë Deda?

**Tunë Deda:** Po, kryesues, unë pajtohem me kërkesën e tyre, po unë e kam një propozim që do të ishte mirë, gjithë heronjtë, mos me e ndarë asnjë, me ja bërë një shesh të përbashkët, se kështu s'po ka vende. Është mirë me jua ndarë, po është e pamundur se s'ke ku të ja japësh, ata vyejnë me gjetur vet vendin, me thënë këtu na konvenon, se s'ke si!

**Komiteti për Politikë dhe Financa, pas shqyrtimit të kërkesës për shikimin e mundësisë për emërtimin e një sheshi me emrin e heroit, Ali Ahmet Berisha, me 6 vota PËR, rekomandoi që kërkesa të dërgohet në Drejtorinë e për Urbanizëm dhe Mbrojtje të Mjedisit dhe të shikohet mundësia që në të ardhmen të emërohet ndonjë shesh me këtë emër.**

**Pika 8. Shqyrtimi i kërkesës së Drejtorisë për Financa, Ekonomi dhe Zhvillim, për bartjen dhe shpërndarjen e mjeteve nga të hyrat vetanake.**

**Fadil Gashi, kryesues:** Urdhëro, drejtor?

**Enver Berisha, drejtor i FEZH:** Faleminderit, kryesues! Realisht kjo procedurë e këtij vendimi për bartje është dashtë për herë të tretë me ardhur në kuvend, dmth njëherë që u morën mjetet nga ministria, herën e dytë kur u kthye, dhe tash për shkak të një procedure që është munduar një pagesë për sheshin që është rregulluar në qytet, me u kryer në kontratën dhe kodin e vjetër buxhetor, dhe kjo ka shkuar më herët në thesar, në ministri, po ata nuk e kanë pranuar dhe na kanë detyruar ne me hap kod të ri për këtë pagesë e që shuma e kësaj pagese është 68.920.000.00 euro. Pra, arsyeja pse është kthyer ky vendim për bartje është që, është anuluar vendimi që e kemi votuar herën e kaluar, dhe ne e votuam tash këtë bartje të re për shkak të një pagese që s'është kryer ende për sheshin, ky është ndryshimi.

**Pika 9. Të ndryshme.**

**Fadil Gashi, kryesues:** A ka dikush? Atëherë unë ju falënderoj shumë për pjesëmarrje dhe për angazhim!

**Procesmbajtësja,**  
Monika Palushi

*MPalushi*



**KRYESUESI,**  
Fadil Gashi

*Fadil Gashi*